

REFERAT MIA - Meeqqanut Ilaqutariinnullu Ataatsimiititaq d. 27-11-2017

Mødedato Mandag d. 27. november 2017 kl. 13:00

Mødested Kommuunip ataatsimiittarfia Paamiut

Indholdsfortegnelse

Sammissaq.....	3
Saqqaa.....	6
Oqaluuserisassat akuerineqarnerat.....	7
Nalunaarutit.....	8
Ilisimatitsissutit.....	9
Aalajangiiffisassat.....	10
2018-imi Meeqqanut Ilaqutariinnullu Ataatsimiititap politikkikkut ataatsimiiffissaasa ullulerner.....	11
Aalborg-imik illoqarfittut ikinngutigittut suleqatigiinneq.....	14
Suliat Aningaasaqarnermut Inuussutissaqarnermullu Ataatsimiititamut aamma Kommunalbestyrelsi	18
Taasariaqartut allat.....	19
Suliat matoqqasut.....	20
Imaqarniliap akuerineqarnera.....	21

Punkt TEMA: Sammisag

Meeqqanut ilaqtariinnullu ataatsimiititaq

Ataatsimiititami ilaasortat 2017-imi novembarip 25-aniit 29-ata tungaanut Paamiuniipput

Pisut

Ataasinngorneq 27. novembari 2017

- 09:00-10:00** **Ataatsimiititaq ataatsimiippoq** Kommunip allaffeqarfiata ataatsimiittarfiani
- 10:00-11:00** **Aallarniutigalugu Kristian Dahlimik ataatsimeeqateqarneq** Kommunip allaffeqarfiata ataatsimiittarfiani
- Sammisaq: Meeqqanut Ilaqtariinnullu Ingerlatsiviup Paamiuni suliai
- 11:00-12:00** **Meeqqanut Ilaqtariinnullu Sullissivimmu (BFC) pulaarneq** Inini *BFC-miittuni*
- 13:00-14:00** **Atuarfik Tuiisag (Skolen Tuiisag)** Inini *Atuarfik Tuiisamiittuni*
- 14:00-15:00** **Ullukku paaqqinnittarfinnut pulaarneq: Meeqerivinnut, meeraaqerivinnut sunngiffimmilu ornittakkanut**
Sammisaq: Paamiuni meeqqat atugaat ataatsimut isigalugit qanoq ippat?
- 15:00-16:00** **Ulloq unnuarlu angerlarsimaffik Pallermut pulaarneq** *Pallermi*
- Unnukku** Thiooq Knudsen, Henrik Rachlev, Heidi Jerimiassen aamma Kristian Dahl peqatigalugit nereqatigiinneq

Marlunngorneq 28. novembari 2017

- 8:00-9:00** **Peqqinnissaqarfimmu pulaarneq** *Napparsimmavimmi*
- 9:00-10:30** **Majoriaq-mu pulaarneq**
Pulaartitsisuupput: Aviaja Hansen, Esaias Petersen, Naja Frederiksen *Majoriami*
Sammisaq: Paamiuni inuusuttut ilinniarnep suliffeqarnerullu tungaatigut atugaat qanoq ippat?
- 11:00-12:00** **Meeqqanut Ilaqtariinnullu Immikkoortortamut (BFA) pulaarneq** *BFA-p ataatsimiittarfiani*
Kristian Dahl Oqartussaaffeqarfik pillugu oqaluttuarpoq

- 13:00-14:00** **Politiimik Søren Hansenimik ataatsimeeqateqarneq** *Politeeqarfimmi*
- 14:30-15:00** **Heidi Jeremiassenimik ataatsimeeqateqarneq** *Kommuneqarfiup allaffeqarfiata ataatsimiittarfiani*
- Heidi Paamiut Asasara, kommunip ingerlatsinera aamma Paamiuni Arsummilu meeqqat ilaqutariillu tungaatigut akimmiffiit periarfissallu pillugit oqaluttuarpoq
- 19:00-21:00** **Taqqissuummi innuttaasunik ataatsimiisitsineq** *Katersortarfimmi Taqqissuummi*
- Sammisaq: Paamiuni meeqqanik ilaqutariinnillu sullissinermut atatillugu akimmiffiit periarfissallu

Pingasunngorngaq 29. novembari 2017

Nuummut uterneq

Punkt 0: Saqqaa

<p>Ilaasortat</p> <p>Uju Petersen (IA)</p> <p>Rasmine Geisler (IA)</p> <p>Inge Olsvig Brandt (IA)</p> <p>Knud Mathiassen (IA)</p> <p>Ane Egede Mathæussen (S)</p>

Beslutning

Knud Mathiassen (IA), napparsimalluni ilaasinnaangimmat taartaa Henrik Rachlev (IA) ataatsimeqqataavoq.

Punkt 1: Oqaluserisassat akuerineqarnerat

Beslutning

Oqaluserisassat akuerineqarput.

Punkt 2: Nalunaarutit

<p>2A. Siulittaasumit</p> <p>2B. Ingerlatsivimmit</p>

Beslutning

2A. Siulittaasumit

nalunaaruteqanngilaq.

2B. Ingerlatsivimmit

- Ineriatortitsinermut Pilersaarut ingerlalluarpoq. Deloittemit misissuisut Paamiuniissimapput Nuummiissimallutik Tasiilamiissimallutillu. Malinnaasussanik suleqatigiisitaliortoqarsimavoq ukunaneersunit: peqqinnissaqarfimmit, politiiniit, Iisimatusarfimmit, Isumaginninnermut Aqutsisoqarfimmit aammalu Meeqqat Illersortaannit.

- Meeqqanut Ilaqutariinnullu Sullissivik Paamiuniittoq allamut nuuttariaqarsimavoq illutaasui oqummik nassaartoqarsimanera pillugu

- Pitsaaliuisut Ungerådgiverillu Nuummiittut elehjemmitoqqamut nuussaapput, tassanngasanniillu sulissallutik.

- Tasiilami Qimarnguik 17. december ammassaaq

- Meeqqanut Ilaqutariinnullu immikkoortortaq Tasiilamiittoq sulisoqarniarnikkut ajornartorsiorpóq. Ingerlatsiviullu aaqqiissutissamik pilersaarusiortput, siunissami qaninnerusumi najugaqarfimmi tunngaveqartuusumik piujuarsinnaanerusumik aaqqiinissaq anguniarlugu.

- Namminersorlutik Oqartussanit Immikkut ittumik Nakkutilliisut Nuummi Ittoqqortoormiuni misissuinertik ingerlappaat, Decemberillu qulaaluaaniit aamma Paamiuni misissuilissallutik

- Borgmesteri Kommunaldirektøri ppatigalugit ulloq 24/11 pisortartaaq martha Lund Olsen pisortatigoortumik tikilluaqquneqarpoq.

Punkt 3: Ilisimatitsissutit

Punkt 4: Aalajangiiffigisassat

Punkt 04A: 2018-imi Meeqqanut Ilaqutariinnullu Ataatsimiititap politikkikkut ataatsimiiffissaasa ullulerneru

Beslutning

Inassuteqaat akuerineqarpoq imannak oqaasertalerlugu, junimi ataatsimiinnissaq nalilersoqqinneqassammat atatsimiinnissaq qallilerpat.

Bilag

Politisk mødekalender 1. halvår 2018 KAL-DK med udvalg.pdf

Politisk mødekalender 2. halvår 2018 KAL DK.pdf

2018-imi Meeqqanut Ilaqutariinnullu Ataatsimiititap politikikkut ataatsimiiffissaasa ullulerner

Aalajangiiffisassaaq

J.nr.: 01.01.01

Suliffeqarfimmut Kiffartuussivik – kommunaldirektøri Lars Møller-Sørensen / LMS

Suliassamik eqikkaaneq:

Aqutsinermut inatsimmi § 8-mi allaqqavoq "Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

2018-mut politikikkut ataatsimiiffissat ullulerner

januari 2018-miit decemberi 2018-mut atuutissapput.

Inassuteqaatit

Suliffeqarfimmut Kiffartuussiviup Meeqqanut Ilaqutariinnullu Ataatsimiititap inassuteqaatigaa:

- Meeqqanut Ilaqutariinnullu Ataatsimiititap 2018-imi politikikkut ataatsimiiffissaata ullulerner akuerineqassasut.

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

Aaqqiissutissatut siunnersuut – suliatigut naliliineq

2018-mut politikikkut ataatsimiiffissat ullulerner

januari 2018-miit decemberi 2018-mut atuutissapput.

Siunnersuutigineqarpoq Meeqqanut Ilaqutariinnullu Ataatsimiititap sisamangornikkut nal. 14.00 ingerlanneqartassasut. Katillugu arfineq pingasoriarluni ukiup ingerlanerani ataatsimiittoqartarumaarpoq, taakkulu ataatsimiinnerit aqqissorneqarnerat ataatsimiititap ataavartut allat, Aningaasaqarnermut Inuussutissaqarnermullu Ataatsimiititap allat Kommunalbestyrelsip ataatsimiittarnissai aammalu ullut nalliuttorsiorfiit ataatsimut isigalugit aqqissuunneqarlutik.

Politikikkut Allatseqarfiup Meeqqanut Ilaqutariinnullu Ataatsimiititap ataatsimiinneri suliaqarnikkut piffissarititaasut killiliussat ataqqillugit ataatsimiinnerit aqqissuuppaat aammalu suliat ingerlateqqitassat ingerlateqqipallanneqartarnissaat anguniarlugu aqqissuuppaat.

Aningaasatigut sulisoqarnikkullu naliliinerit

Politikikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Inatsisitigut tunngavissaq allakkallu tunngaviusumik uppersaatitallit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

Ingerlariaqqinnissaq

2018-imi politikikkut ataatsimiiffissat Naalakkersuisunut nassiunneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaateqartinneqanngilaq.

Innuttaasunik peqataatitsineq/attaveqaqatigiinneq

Politikkikkut ataatsimiiffissat ullui kommunip nittartagaanut tamanut saqqummiunneqassapput, ataatsimiinnerni oqaluuserisassat imaqarniliallu tamanut saqqummiunneqassallutik. Politikikkut ataatsimiiffissat ullui aamma kommunip allaffeqarfiata immikkoortortaanni pissarsiarineqarsinnaassapput.

Ingerlatsivinniit allaniit oqaaseqaatigineqartut

Soqanngilaq.

Ilanngussat

1. 2018-imi politikikkut ataatsimiiffissatut siunnersuutit

Punkt 04B: Aalborg-imik illoqarfittut ikinngutigiiittut suleqatigiinneq

Beslutning

Inassuteqaatit akuerineqarput imannak oqaasertalerlugit, ataatsimiitta kissaatigimmagu suleqatigiinneq pillugu ilisimatinneqarnissartik

Bilag

KAL venskabsbyftale med AAL.pdf

KAL-Rammeaftale aug.2015.pdf

KAL - Rammeaftale-5.docx

Aalborg-imik illoqarfittut ikinngutigiittut suleqatigiinneq

Aalajangiiffissaq

J.nr.: 00.07.01-P20-1-17

Meeqqanut Ilaqutariinnullu Ingerlatsivik - pisortaagallartoq Helene Horsbrugh / HEHO

Suliassamik eqikkaaneq

Kommuneqarfik Sermersooq Aalborg Kommunilu 2015-imi aggustip qaammataani 2015-2020-mi atuuttussamik, suleqatigiinnissamut isumaqatigiissusiorput.

2017-imi Aalborgimi Kalaallit Nunaannut ulloqartitsinermit atatillugu Aningaasaqarnermut Inuussutissarsiornermullu Ataatsimiititami ilaasortat kiisalu Aalborg Kommunimit magistratimi (kommunimi aqutsisut) ilaasortat suleqatigiinnerup killiffigigallagaa eqqartorpaat.

Kalaallit Nunaannut ulloqartitsinermit atatillugu sinaakkutaasumik isumaqatigiissutit kiisalu sinaakkutaasumut isumaqatigiissutit killiffii ilisimatitsissutit kiisalu Aalborg Kommunimik suleqateqarnerup ingerlaqqinnissaanut isummerfigisassatut ataatsimiititanut ataavartunut ingerlateqqinnissaat aalajangiunneqarpoq.

Inassuteqaat

Aqutsinermit Allattoqarfimmit Meeqqanut Ilaqutariinnullu Ataatsimiititamut inassuteqaatigaa:

- Ilisimatitsissut tusaatit tiguneqassasoq
- Sinaakkutissamik isumaqatigiissutit iluanni Aalborg Kommunimik siunissami suleqatigiinnissaq pillugu ataatsimiititaq siunnersuuteqassasoq

Suliassamik saqqummiussineq

2015-imi aggustimi Nuummi Aalborgimut ulloqartitsinermit atatillugu Kommuneqarfik Sermersooq Aalborg Kommunilu, 2015-2020-mi atuuttussamik, angusaqarluarfiusussamik suleqatigiinnissamut isumaqatigiissusiorput. Immikkoortunut tulliuuttunut suleqatigiinnissamik isumaqatigiissut pisussaaffiliisuvoq:

- Inuussutissarsiorneq, siuariatorneq suliffissallu
- Isumaginninneq peqqissuserlu
- Meeqqat ilinniartitaanerlu
- Illoqarfimmik inerisaaneq
- Kulturi, timersorneq sunngiffillu
- Sulisunik suliffimmilu sungiusarfinnik paarlaasseqatigiinneq

Isumaqatigiissummi Kommuneqarfik Sermersuummi ingerlatsiviit tamarmik pineqarput, sinaakkutissatullu isumaqatigiissutini arfinilinni sukumiisumik allattorsimallutik (ilanngussaq takuuk).

Aalborgimi Kalaallit Nunaannut ulloqartitsinermit atatillugu Aningaasaqarnermut Inuussutissarsiornermullu Ataatsimiititami ilaasortat kiisalu Aalborg Kommunimit magistratimi (kommunimi aqutsisut) ilaasortat suleqatigiinnerup killiffigigallagaa eqqartorpaat.

Illoqarfiit ikinngutiginnermi suleqatigiinneranut atatillugu sammisassaqtitsinerit 76-it assigiinngitsut ingerlanneqarput. Taakku ilaatigut tassaapput, kommunaldirektørit akornanni eqikkaalluni ataatsimiinnerit, Kalaallit Nunaanni suliffeqarfinnut inuussutissarsiutitigut kiffartuussinerit, ilinniartut suliffissaannik innersuussinerit, danskisut atuartitsinerit, sulisut piginnaasaannik qaffassaanerit, ilisimasani avitseqatigiinneq kiisalu isumaginninnikkut inissaqartitsinerit tunngasunik misilittakkanik avitseqatigiinneq.

Sinaakkutissatut isumaqatigiissutinut atatillugu sammisaqartitsinerit ima agguataagaapput:

- Killiffik pillugu ataatsimiinnerit - kommunaldirektørit akornanni ataatsimiinnerit arfinillit
- Sinaakkutaasumik isumaqatigiissut 1 – Ineriartortitsinissamik suleqatigiinneq - sammisaqartitsinerit 15-it
- Sinaakkutaasumik isumaqatigiissut 2 - iliniartitaanerup nukittorsarnissaa – sammisaqartitsinerit 18-it
- Sinaakkutaasumik isumaqatigiissut 3 - Isumaginninnermut suliat pitsanngorsaaviginissaanut inerisarnissaanullu suleqatigiinneq - sammisaqartitsinerit 12-it
- Sinaakkutaasumik isumaqatigiissut 4 - Peqqinnissaqarnermut pitsanngorsaaviginissaanut inerisarnissaanullu suleqatigiinneq - sammisaqartitsinerit 10-t
- Sinaakkutaasumik isumaqatigiissut 5 - Meeqqanut Atuarfeqarnermullu tunngasut ineriartortinnissaanut suleqatigiinneq - sammisaqartitsinerit 5-it
- Sinaakkutaasumik isumaqatigiissut 6 - Kulturimut, timersornermut sunngiffeqarnermullu tunngasunik siuarsaanissamut suleqatigiinneq - sammisaqartitsinerit 10-t
- Katillugit sammisaqartitsinerit 76-it.

Ilanngussani killiffiit sukumiisumik nassuiarneqarput.

Kalaallit Nunaannut ulloqartitsinerit atatillugu sinaakkutaasumik isumaqatigiissutit kiisalu sinaakkutaasumut isumaqatigiissutit killiffii ilisimatitsissutit kiisalu Aalborg Kommunimik suleqateqarnerup ingerlateqqinnissaanut isummerfigisassatut ataatsimiititanut ataavartunut ingerlateqqinnissaat aalajangiunneqarpoq.

Aaqqiissutissatut siunnersuut – suliatigut naliliineq

Aalborgimik suleqateqarinnikkut kommuninut marluusunut iluaqutaasumik arlalinnik angusaqartoqarpoq. Aqutsinermik Allattoqarfimmit illoqarfittut ikinngutigiiittut suleqatigiinnermit amerlanernik angusaqartoqarsinnaasoq nalilerneqarpoq. Atuarfeqarnermut tunngasuni periarfissaqarluartoq ilaatigut nalilerneqarpoq, tassa piginnaasanik ineriartortitsinissamut sulisunillu paarlaaqatigiinnissamut atatillugu, soorlu aamma ineriartortitsinissamut suleqatigiinneq pingaartinneqartuassasoq.

Aningaasaqarnikkut sulisoqarnikkullu naliliinerit

Ilisimatitsissummut atatillugu aningaasaqarnikkut kinguneqassanngilaq, siunnersuutaasut, aningaasaqarnikkut sulisoqarnikkullu malitsigisassatut ataasiakkaarlugit nalilersorneqartassammata.

Inatsisitigut tunngavissaq allakkallu tunngaviumik uppersaatitallit

- Kommuneqarfik Sermersooq Aalborg Kommunillu akornanni illoqarfittut ikinngutigiiittut suleqatigiinnermik isumaqatigiissutaat pingaarneq.
- Sinaakkutaasumik isumaqatigiissut aggusti qaammat 2015-imeersoq.

Ingerlariaqqinnissaq

Ataatsimiititat ataavartut sinaakkutaasumik isumaqatigiissutit suliarissavaat, taakkunannga isummersuutit katersorneqassapput aamma Aalborg Kommunimut illoqarfittut ikinngutigiittut suleqatigiinnermik isumaqatigiissummut ilanngunneqarlutik.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allanit oqaaseqaatit

Soqanngilaq

Ilanngussat

1. Kommuneqarfik Sermersooq Aalborg Kommunillu akornanni illoqarfittut ikinngutigiittut suleqatigiinnermik isumaqatigiissutaat pingaarneq.
2. Sinaakkutaasumik isumaqatigiissut aggusti qaammat 2015-imeersoq.
3. Sinaakkutaasumik isumaqatigiissutip killiffia 5

Punkt 5: Suliat Aningaasaqarnermut Inuussutissaqarnermullu Ataatsimiititamut aamma Kommunalbestyrelsimut ingerlateqqitassat

<p>Soqanngilaq</p>

Punkt 6: Taasariaqartut allat

Beslutning

Soqanngilaq.

Punkt 7: Suliat matoqqasut

<p>Soqanngilaq</p>

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal. 10.00